


LATGALIŠU GAZETA

Adventa nūskaņa ir arī Sibīrī



Aigars Bernāns

– Voi Adventa vainagu esit jau sagataviejuši? Voi pruots jau ir Adventa laika puordūmos?

Kai tod! Lai gon tei ir saleidzīnūši jauna tradiceja, Adventa vainagu gataveju gon pats sovai sātai, gon arī ar draudzes aktivistu paleidzeibu bazneicai. Advents ir laiks, kas mums nu jauna dūd ispieju isadziļinuo Kristus nūslāpumā, ar dedzeibu meklēt Dīva pīredzi i slaveit Kungu par Juo apsūlejumim atverūt sirdi žālsirdeigajai Dīva mīlesteibai. Kaidys byus myusu prioritatis šymā Adventā? Kū mes cerim sasnēgt, kaidys ir myusu ilgys? Voi mes gaidom koč kū nu Dīva? Voi pazeistam juo apsūlejumus un tūs

Par Adventa laiku vaicosim "Latgolys Studentu centra" bīdrām Pineņu i Znūteņu Romys katuoļu draudžu prāvestam Aigaram Bernānam, kas novembrī ar Latgolys regiona atteisteibys agenturys mierķprogrammys "Latgolys kulturys programmys" atbolstu bejs gostūs arī pi latgališim Sibīrī. Tī tāt dzija zīma i jau visi ir Adventa nūskaņuos i, prūtams, gaida arī pošus Zīmysvātķus. Tikšonuos reizēs ar latgališim Sibīrī kūpā puorrunuotys Zīmysvātķu svīnešonys tradicejis: kas tymuos ir sasaglobuojs kūpeigs i kas jau ir atšķīreigs, kas jau aizamiess i kas otkon ir īvīsts nu jauna. Ļauds kūpā vīucejuos arī Zīmysvātķu dzīsmīs, lai, saimūt kūpā svātķu reizē, varātu sadzīduot "pa sovam" (tai bīži sibīriši soka par latgališu volūdu)!

pīsapiļdeišonuos spēku? Nūslāpumā navar isalauzi, tū navar pajimt ar varu. Cytys personys (Dīva voi cylvāka) nūslāpuma priškā var tikai pazemeigi gaideit, kod tys tev atdareis durovys i īaicynuos sovys sirds muojūķlūs. Bet voi mums ir laiks gaideit? Myusdīnu cylvāks namuok gaideit, asom roduši saimūt uotrys atbīldīs. Īsavīceit gaideit voi byūt nūmūdā ūtrys personys nūslāpuma priškā ir gryūši, bet nav nāispejami! Ja nūlemsim saceit "jā" itai pīredzei, kaidus lobumus cerim saimūt? Atvārtū sirds durovu apsūlejumā pīsapiļdeišonuos ir draudzeiba i vīnuoteiba mīlesteibā. Šuo soldonuo augļa garša puorsnādz vysys myusu cereibys. Leidzeigi arī ar Dīva apsūlejumā pīsapiļdeišonū – tys puorsnādz myusu cereibys. Deļtuo lyugsim, lai Dīvs svīetej itū Adventa laiku – myusu laiku, lai mes prostu reikuotīs ar tū gudri i prostu veļteit tū sovstarpejis mīlesteibys apmainīs ritmam, lai mes byutu nūmūdā ūtrys personys



nūslāpuma priškā i arī Kunga nūslāpuma priškā.

– Voi pikreitat dūmai: "pastuoosti maņ, kū tu gaidi, i es pastuoosteišu, kas tu esi"?

Dūmoju, ka nūi!
– Godu nu goda daudzi sagaida Adventa laiku otkon atsagrīzonai pi dūmom par Dīvu i labesteibu. Voi varim saceit, ka tys ir laiks, kod Dīvs atvārtū cylvāku i vad jū pi Sevis?

Nūteikti! Maņ cīši pateik vīna atziņa nu Krysta ceļa medītacejīs Vyssvātuokajai Jezus Sirdei: Mes bīži vīņ dzeivojam puorlīceibā, ka tik daudz doram Dīva lobā, tik cīši daudz paleidzam Jam pasaulā pestīšonā, tik daudz nu sevis dūdam Juo slavīs pavairošonai. Bet patīseiba par Dīva i mysu atteiceibom ir pavysam cytaida. Pat ja mes arī kū dūmam Kungam Dīvam, tei ir na myusu duovona, bet Dīva duovona mums. Ja mes upurējam Dīvam koč kū, tod tys nanūzeimoj, ka mes dolomēs ar Dīvu sovā īpašumā, bet gon upurējam Dīvam tū, kas jau taipat ir Juo īpašums. Dīvs taidā gadīnī ruda laipnu vaigu un nūpītni pījem "it kai myusu" upuri. I kotru myusu upuri Jīs svīetej, pavairoj, boguotyno i atgrīž myusim atpaķā. Ja kaidys upurēj Dīvam sovū dzeivi, tod taidys na Dīvu ar tū boguotyno, bet juo pošā dzeive klyst skaistuoka i vīerteiguoka. Vysī vysū sajem nu Dīva Sirds pīļneibys.



Tikšonuos ar Sibīra latgališim Ačynskā (ītuo goda novembris)

Valsts prezidents pi seve aicyno Latgolys Studentu centra puorstuovus

Ītuo goda 18.novembrī valsts prezidents Valdis Zatlers Reigys "Lelajā Ģildē" reikuoja svīneigu pījimšonu par gūdu Latvejis Republikys 91. dzimšonys dīnai. Kai prezidents atzeimēja sovā svātķu uzrunā, iz ītaidu pasuokumu – nūsakļauseit Latvejis simfo-

niskuo orkestra koncertu i paceļt pa veina gluozei par gūdu valsts svātķim – beja aicynuoti jauni zynuotniki, uzīemieji, rodūši ļauds i aktivuokī Latvejis jauniši, deļtam gostu vydā beja arī bīdreibys "Latgolys Studentu centrs" puorstuovi: Ilze Spērga (valdis priškā-

dātuoja) i Jurs Viļums (vīns nu bīdreibys dybnyuotuoju).

Prezidents īzsaceja pateiceibu par leidzšīneju dorbu, kai arī aicynuoja iz prišku byūt atbīdeigim i nasabeit uzajimt Latvejis valsts nuokūtnei i atteisteibai svareigys reiceibys. Suokumā kūpeigi nūdzuota himna, tod svātķu koncertā īzskanēja populārys melodejis valša ritmūs – tū vysū varēja redzēt arī tīšraidē Latvejis Televīzejā.

Kū vaira volūdu, tū lobuok!

NŪTIKŠONU KALENDERS

● **27.11.2009** Latgoles Pietnieceibys instituta konference "Latgales pagātne, tagadne, nākotne" Daugavpīļs Universitate, Vīnebyš ūļneica 13 – 311

● **30.11.2009, pl.18.00** Andrejdīna

Rēzeknis Augstškolā, Atbreivuošonys alejā 90

Par speiti voi par laimi, tok laikam pateik mest burbuļus. Saceisim tai, ka Andrejdīna ir vīna nu tim. Kaidys saceis – zīpu muons, a cyts – eistuokais senču tradiceju krysta punkts, krystcelis. Storp rudini i zīmu, vacim i jaunim, dzeivim i myrušim, folkloru tod i folkloru tagad.

30. novembrī sešūs vokorā Rēzeknis Augstškolā (Atbreivuošonys alejā 90) gaidietī vysī, kas grib pīsadaleit īrostājā literārajā kabarē (voi vīnkuroši pasēdēt malēņā), tī, kas grib īsasaisteit vysaiduos spēļu i meikļu puorvīerteibuos (voi tikpat klusi, kai atguojuši, arī aizīt).

Pasuokuma gaitā īspiejama virtuala īsapazeišona ar jauna folklorys īrokstu cikla ideju, veiduotuojim i tuoluokajim mierķim. Ka naesi slynks, nūdūd zīņu tuoļok. Ka esi slynks, vīnkuroši – esi.

● **2.12.2009,** Latgolys Studentu centra tikšonuos ar studentim

Daugavpīļs Universitatē, Vīnebyš īlā 13

Bīdreiba "Latgolys Studentu centrs" kai oficiālī dybnyuota organizaceja jau nu 2005.goda pamatā sovū darbeibu veic Reigā, Rēzeknē i Daugovpīlī. Lai Daugovpīļs pusē latgaliskuos aktivitatis napagaistu, 8.decembrī teik reikuota īnterresantu tikšonuos ar Latgolys Studentu centru, kurys laikā varēs vairook uzzynuot par bīdreibys darbeibu, īzvierzeitajim mierķim kai arī īspiejom īsasaisteit kūpeigā dorbā. Vairook īnformacejis portālā: La-KuGa.LV

● **Leidz 14.12.2009. pl.17.00** Latgališu volūdys kursī Reiga, LNB, Barona īlā 14, 312. ustobā.

"Latgališu Gasetu" atbolsta Latgolys regiona atteisteibys agentura i Kulturkapitāla fonds.

